

بعد ارتفاع الأسعار □ أهالي بني سويف: "هنعيد في ملابس العام الماضي"



الثلاثاء 14 يوليو 2015 12:07 م

أيام معدودة وينتهي شهر رمضان المبارك، ويطل علينا العيد، وفي هذه الفترة تشهد الأسواق المصرية ومنها أسواق بني سويف، رواجًا كبيرًا في بيع وشراء الملابس الجديدة للأطفال والكبار على حد سواء □

إلا أن الأمر اختلف هذا العام؛ نتيجة ارتفاع الأسعار بشكل جنوني، فقلت حركة البيع والشراء، وسط حالة من الاستياء بين المواطنين الذين عزف الكثير منهم عن الشراء، والبائعين الذين بارت سلعهم □

تقول أم خالد جمال: "كنت كل سنة بغير شكل البيت، وبجيب مفارش جديدة، وبظبط الأوض عندي وبببقى شكلها حلو، السنادي الحال بقى مش زي الأول، بقي مفيش فلوس نجيب زي الأول، كفاية إننا نقدر نكفي ولادنا في لبسهم بس" .

وقالت نبيلة سيد: "رحت اشترت لأولادي لبس بعد ما حسبت طلع الفلوس 1420 جنيه، وأنا مرتب جوزي أصلا 1000 جنيه ومش حكومي، يعني هوه يقعد يشتغل طول الشهر وأجي أمرفهم كلهم مرة واحدة وكمان مش هيكفي، كنا الأول بنجيب لبس بـ300 جنيه، دلوقتي مش بيكفينا 1000 جنيه أساسا" .

واعربت أم محمد راضي، عن سخطها تجاه الأسعار في هذا الموسم، قائلة: كنت بجيب بنطلون لابنى الأول بـ50 جنيه، دلوقتي وصل 130 و150 جنيه البطلون بس، يعني اروح أجب لأولادي التلاتة أقل حاجة 700 جنيه لبس بس، عشان نفرحهم على العيد طيب نجيب فلوس مينين؟؟ هنلبس لبس قديم أحسن" .